

阜城縣志

卷之一至
卷之七

地
123.7
33
21

地
123.7
33
21

地
123.7
33
21

脩阜城縣志序

國家肇造區宇

聖聖相承漸仁摩義涵濡百年之久

湛恩汪濊東西朔南無一或遺海隅日出之邦以時朝貢輸

誠恐後聲教之隆幅幘之廣自唐虞三代以來未有盛於

今日我

皇上睿思廣運

諭廷臣纂脩一統全志以昭一道同風之治凡任寄封疆者靡
不歲事惟謹而省而郡而邑博採彙輯以襄

大典

阜城縣志

張序

畿輔爲首善重地

宮保尙書總督部院李總制三輔延致鴻生俊儒集郡邑
諸志參訂校讎著爲成書然則一統志者省志之所萃也
省志者又郡志邑志之所萃也卽葺爾方隅無非聲靈所
及而顧可數十年續纂無聞任其鬱湮缺畧者乎余於甲
寅歲勘河過滄滄之紳士以重修州志請余欣然應之事
竣回津而阜邑新志甫脫稿請序於余余按阜土高於水
地多鹹沙瀛海之下邑也城郭周方四里徑直二里編戶
十一鄉屯四境相距僅三十里其中分三鎮十市四路十
八地方顧地當孔道界景獻之間車馬館穀郵傳傍午亦



爲畿南要衝延令陸令來宰是邑脩葺

文廟廣勵學宮恢弘

武廟妥侑神庥清旗丁十年之逋賦詳荒地原徵之額糧是亦整頓地方留心政治者案牘之餘與邑中荐紳文士檢閱邑乘摺拾舊聞凡疆域學宮風俗田賦典禮以暨官師人物前言往行刪訂補亡續前增後編次成帙而六十餘年之闕文燦若列眉余謂一邑之事可以推諸天下而續紹之緒可以詔示來茲筐篚絲枲載在禹貢辨方正俗詳於周禮溝洫食貨丁庸物產著於漢史要皆爲經世之用而致太平之書是編也由邑而合之郡由郡而合之省由

阜城縣志

張序

二

省而合之一統志貢輶軒之採擇備省志之蒐羅獻之當宇而同軌同文同倫之盛垂億萬斯年之典章寧第爲彈丸黑子記事記言輔正史以行遠已乎余嘉陸令之志是編之樂於有成也於是乎書

特授分巡直隸天津河間等處地方兼管河務按察使司副使
張坦熊書於天津官舍

阜城縣志序

或疑志之義徵信傳疑近於史而與經異余以志不本經誇多闢靡言善不足以感言惡不足以懲具文而已夫史以紀事經以載道人徒以其跡耳二典三謨周官春秋史而經易傳闡列聖之心篇什咏主臣之蹟經而史蓋其述往古以詔來茲黜浮誇而崇實行經史固靡弗同條而共貫也葺志而可不本於經歟甲寅春余奉

聖天子命來守瀛郡慨郡志之詳於覈事而簡於議道思有以脩明之而特以任事未久托之空言不如見之行事未敢輕議校讎繼以先慈之變亟於歸葬則又不暇以爲其冬

阜城縣志

陳序

阡次竣復瀛任阜令陸子抱志而請序於余披閱之下自星野沿革以迄藝文凡二十二卷如其數爲目八十有六而圖考則列之卷端使人了然在目及其序次竟則必附以己意唱歎淫泆以寓規勸之旨使讀者凜然知善之當爲與惡之可惧豈徒具文云爾哉且其剔釐則積弊已除措置則弘規以整締造

學宮 關廟倉舍則不勞民力不煩民資而次第煥發是固不徒托之空言而能見諸行事者也夫然以其餘力集紳士以修邑乘以供採擇志也而進於經矣况

制府以其才具之優調煩以去人將視爲異人任不復措

意矣乃陸子必捐資而謀梓之夫其臨歧惓惓猶若此其
殷殷於當局更何如耶余既嘉其脩志之舉陰與余合又
喜其不忽於去後也因不拂其請而爲之序其大都云
雍正歲次乙卯仲春

特簡直隸河間府知府陳起唐序

修阜城縣志後序

歲在癸丑秋七月福宜捧檄蒞宰阜城到日吏循例以邑志進發而視之怪其卷帙之簡略字跡之模糊問之則曰志修於前康熙壬子距今六十餘年矣嗟夫簡編流傳日積而故人事代謝日積而湮時移歲換散佚不收其銷沈漫滅者不既多與感喟之下修輯之志勃然動懷既又思之紀言紀事者史之遺則也據往跡示將來悉於志有取焉若宰職未盡事先廢矣雖空言奚補焉且阜以蕞爾邑當南北之衝壤瘠民貧稱瀛海之最苦最苦者福宜身肩其任廉其積弊稔其廢墜當革者幾何當舉者又幾何救

焚拯溺有先務之急焉不暇他及也越次年夏凡百諸務亦幾漸次整飭因思前此勃然者更不及待矣遂集邑之紳士而謀之曰方今

聖天子文教覃敷修明信史

勅諭各省大臣編輯省志以成一代全書煌煌乎盛事也第省志之取材則於府府志之取材則於縣縣志弗詳省志何從而徵焉况直隸爲

畿輔首善要地人物風土四方之所取則也欣逢

督院各上憲設立志館於保陽之蓮花池敦請名宿博採廣搜阜雖全省之一鱗片甲乎苟有聞見彙而錄之亦足以

備

當事之採擇豈曰隋闖風者不留行於邱垤遊南溟者遂藐視夫潢沔乎哉諸紳士曰唯唯於是各分厥職搜羅抉剔權輿於舊帙而加以斟酌變通焉其秉筆荷擔則中翰鹿翁多老先生與明經杜子敬齋司訓於無極者也福宜以風塵俗吏愧乏班馬鴻才竊慕南董直筆亦間從諸君子後校讐增汰以期徵信於傳聞垂鑒於來者事始於五月之十日竣於八月之二十日集成未便授梓將以獻之宗工哲匠俯賜教削錫以瓊章用冠茲集爰先叙其事之本末以私誌率土同文之慶云

阜城縣志

陸序

二

雍正歲次甲寅八月吉日

特簡直隸河間府阜城縣知縣延令陸福宜謹序

重修縣志後序

志者史之遺與史相表裏者也國家大經大法諸有關於治體者必載之簡策以垂永久而大書特書是是非非炳日星而昭雲漢則春秋之義爲最著嗣是龍門振起爲紀傳表志之例亦號稱良史後代因之有十道九域寰宇諸志極天下之山川人物典章制度纖悉靡遺遂爲紀乘所託始志之由來尙矣

今上御極之十年車書渾一海宇昇平

特煥綸音取各省通志廣開記載彙纂一統全書以攬天下之名勝於展玩間寓古聖王探風問俗之遺意厥典鉅矣豈

阜城縣志

多序

不休哉顧統志裁於省志省志裁於郡志依次及邑是邑爲志之原可不慎重而求詳乎阜之有志雖舊籍班班迄今歷有年所世易風移其中損益廢興非若山川疆域一成不變者也倘因仍踵襲年遠蹟湮得不似魯之立定哀而指隱桓郭公夏五之闕疑耶珍自西清假旋每與同鄉紳士志切修明旣慙力綿而任又非宜專幸我

邑侯陸老父母南國望族簪纓世家出宰阜邑美政新猷已與王烏潘花後先輝映於勵精百務外不惜餘力舉阜志而繙閱之乃集諸紳士開局組修豈非百年文獻待其人而後興歟是以綜核舊章網羅佚事條分縷析寫之璇

瑣訛者正之闕者補之幽者闡之寒素者獎勉之記以信不記以疑記以實不記以華詢諸故老矣而猶繼以親歷得諸耳聞矣而猶核以公論獲諸目見矣而猶稽以載籍凡方以內之所有者不敢偶有所遺方以外之所無者不敢妄有所載務矢公而矢慎期必信而必從抑且審其輕重而詳畧異宜酌其同異而分合各當至亥豕魯魚之訛言言更訂砭砭魚目之混字字叅稽或採訪或撰竄或校讎衆人分任其事而茂宰則手集其成焉昔考亭守南康甫下車首詢圖志學士謂其識大體故知志者政之要也可以維人心可以挽風化可以運治樞而擴鴻謨善爲政

者殫心畢力於此洵所謂經國之大業而不朽之盛事也輯成付之剞劂裝之緗函以備進

呈凡丁戶之多寡土地之磽沃厥賦之上下原隰之廣狹驛遞之殷繁與夫正廉孝義一一燦若指掌而獲邀

御覽則雖彈丸小邑亦得附於萬國來同之會當不僅文獻之足徵已也珍躬逢美盛步諸君子後塵簪筆揚休列姓字於簡末茲非厚幸也歟

雍正歲次甲寅中秋後二日

勅授文林郎內閣撰文中書舍人邑人多時珍拜序

阜城縣志後序

癸丑冬念先肄業太學親黨來京師者過余廣業堂敘寒
溫畢卽極口道縣尹賢不置余慶之甚及期滿除官旋里
見道塗修治閭里安阜學舍新縣廨飭一一據目所擊憶
前所聞舉不誣焉卽以是賢縣尹不爲過矣雖然設施厝
注井然可觀者外也若其蘊蓄於本原之地養沉而學邃
智廣而義精淵然粹然不可測識者則其內也顧念先亦
第見其所見耳安能見其所不見哉居未半月會我 侯
悼邑志殘畧歲久失修懸示鄉城訪求遺佚傳集邑之紳
士於庭寄以耳目各分厥職念先亦得與校讎之列時觀

阜城縣志

杜序

清光徧覽撰次凡其立議選言勸戒予奪筆筆削削依經
附聖毫無假借於是我 侯文章之原經濟之本淵然粹
然不可測識者悉拳拳服膺於念先之胸臆間矣夫吾觀
世之爲宰者簿書錢穀日不暇給遑恤其他卽有以邑志
修明告者且曰待諸後人若我 侯明足以斷才足以辦
興廢舉墜而不留餘力是豈烹鮮小試所得竟其量歟泰
山之雲膚寸觸石而出不崇朝而雨徧天下念先沐浴於
斯歌詠於斯旣爲吾邑慶而又不獨爲吾邑慶也已
雍正十二年歲次甲寅望前五日無極縣儒學訓導邑人
杜念先頓首拜書

阜城縣志

凡例

一縣境地之圖舊志僅二今廣而四之非侈耳目之玩也蓋欲披覽之餘使地域廣狹靡宇規制瞭然在目故一一詳繪以弁簡端

一志綜二十二卷卷之首末序以開端論以竟委所以鳴載筆所屬之意并以闡載筆不及之隱固非閒浪筆墨自詡能文

一縣志詳於府志府志詳於省志省志詳於一統志故米鹽凌雜期於該悉縣志之體裁然也舊志刪削從簡間有

阜城縣志

凡例

府志所詳而縣志從略者今按府志一一補入

一言之無文載筆之恥然賦役係銀穀正供止直書數目不復修飾詞章蓋法嚴飢弊焉用文之觀者幸無哂爲戶吏册底

一學校典禮國之大政也蓋秩敘等威以作民共何敢略而弗書故雖節文規制字縣悉同而制必錄錄必詳以此一仕籍人物諸傳舊志寥落總因文獻無徵故致考稽無據茲特博訪宿耆廣摛譜誌以網羅放失據實必書涉疑則闕不敢失春秋謹嚴忠厚之旨

一班固作人表婦女並列於九等逮劉向分傳列女義例

始全茲於人物之外另以傳存青閨孤立形管特標庶幾
中壘遺意

一志載藝文務關治理苟有裨於斯邑宜無美而不收然
考文徵獻放失實多茲特勤摻往籍間續新裁但求體要
有歸不敢廣收汗漫

一春秋書名綱目書名史例也偉長史略稱公失其例矣
况縣志之修原備

國書之採益難隕越雖尊如臺憲賢如先達書爵書名凜
天顏於咫尺也至藝文所稱則從其舊行文之體不可例論
一志之修實奉

阜城縣志

凡例

二

聖天子問俗觀風車書一統之意接古續今典至重也福宜雖
志切欽遵而學苦疏放兼以簿書鞅掌謀野無期繙書弗
暇幸邀邑中同志得共叅稽雖兢業之有懷實惓惓之抱
愧若夫椽筆刪潤是有望於東里龍門

陸福宜謹識

阜城縣志凡例終

阜城縣志

目錄

卷之首

圖考

縣署

縣境

附新城

關帝廟

縣學

卷之一

星野

分野二十八宿

星野

日躔黃道分野

卷之二

沿革

世表

卷之三

疆域

四正鄉

四隅橋路

廣表牌墩

四達山川附

里鎮

阜城縣志

目錄

卷之四

城池

牢獄防禦附

卷之五

公署

坊表附

卷之六

學校

學宮

文廟

崇聖祠

學田

賢名

宦學附

卷之七

典禮

臨幸鄉飲

公式

祀典

卷之八

古蹟

景勝墓冢附

亭臺

卷之九

壇祠

菴觀寺附

卷之十

物產

卷之十一

貢賦

田賦
存留

徭役
課稅附

起解

卷之十二

風俗

禮俗
時俗

農俗
農占附

末俗
農官附

卷之十三

郵傳

驛官
舖司

驛馬
雜遞

舖舍
馬政附

阜城縣志

目錄

二

卷之十四

武備

民兵
教場

防兵
兵變附

軍器
保甲附

卷之十五

封建

同姓受封
僭竊附

異姓受封

卷之十六

仕籍

職官
官蹟

卷之十七

選舉

進士
武科

舉人
武弁

貢士
徵聘

監生

卷之十八

地封

封贈
祭附

勅誥

任子附

卷之十九

人物

事功
隱逸

孝義
耆壽

文學
流寓

卷之二十

列女

卷之二十一

祥異

郵典附

卷之二十二

藝文

宸翰
詩歌

奏疏

文詞

阜城縣志

目錄

三

阜城縣志目錄終

阜城縣志卷之首

圖考

阜城之建自漢迄今分隸犬牙割據虎視增省離合變置屢焉其疆索之廣狹縣治之遷移廨宇之興廢不及考者多矣茲即現在之境地城垣衙署學宮一一繪圖列諸卷首但一披閱瞭然在目且以見法度教化所自出廬井守望之攸關云爾



阜城縣志

卷之首

圖考

一

阜城縣總圖



